

小字錄



成忠即緝熙殿國史實錄院秘書省搜訪陳思

歷代帝王

阿瞞

魏太祖武帝姓曹諱操字孟德漢相國參
之後一名吉利小字阿瞞魏本紀

寄奴

宋高祖武帝諱裕字德興小字寄奴姓劉

氏宋本紀

車兵

宋少帝諱義符小字車兵武帝長子

宋本紀

車兒

宋太祖文帝諱義隆小字車兒武帝第三

子宋本紀

道民

宋世祖孝武帝諱駿字休龍小字道民文

帝第三子宋本紀

法師

宋前廢帝諱子業小字法師孝武帝長子

宋本紀

榮期

宋太宗明帝諱彧字休煥小字榮期文帝

第十一子宋本紀

慧震

宋後廢帝諱昱字德融小字慧震明帝長

子明帝諸子在孕皆以周易筮之即以所

得故為小字故帝小字慧震宋本紀

知觀

宋順帝諱準字仲謨小字知觀明帝第三

子宋本紀

闕將

齊太祖高帝諱道成字紹伯小字闕將姓

蕭氏齊本紀

龍兒

齊世祖武帝諱贖字宣遠小字龍兒高帝
長子生建康縣之清溪宮將產之夕陳孝

皇后昭皇后並夢龍據屋故小字爲龍兒

宋本紀

法身

齊廢帝鬱林王昭業字元尚小字法身文

惠太子長子齊本紀

玄度

齊高宗明帝諱鸞字景柘始安貞王道生

之子小字玄度齊本紀

練兒

梁高祖武帝諱衍字叔達小字練兒姓蕭

氏漢相國何之後

梁本紀

六通

梁太宗簡文帝諱綱字世讚小字六通武

帝第三子

梁本紀

七符

梁世祖武元帝諱繹字世誠小字七符武

帝第七子

梁本紀

法真

梁敬帝諱方智字慧相小字法真元帝第

九子

梁本紀

法生

陳高祖武帝諱霸先字興國小字法生姓

陳氏漢太丘長寔之後也

陳本紀

藥王

陳廢帝諱伯宗字奉業小字藥王文帝長

子在位無人君之器太后稱文帝遺志廢

為臨海王

陳本紀

師利

陳高宗孝宣帝諱頊字紹世小字師利始興昭烈王第二子嘗被酒張燈而寢摠達出尋反乃見帝是大龍便驚走他室

陳本紀

黃奴

陳後主諱叔寶字元秀小字黃奴宣帝長

子

陳本紀

那羅延

隋高祖文帝姓楊氏諱堅小字那羅延漢

太尉震十四世孫大統七年六月生於馮

翊般若寺有尼來自河東謂皇妣曰此兒

所從來甚異不可於俗間處之皇妣嘗抱

高祖忽頭上出角遍體麟起皇妣大駭墜

於地尼外入見曰已驚我兒致今晚得天

下北史隋本紀

阿摩

隋煬帝諱廣小字阿摩高祖第二子高祖嘗密令善相者來和視諸子和曰晉王眉

上雙骨隆起黃不可言及太子勇廢上為
皇太子隋本紀

雉奴

唐高宗諱治字為善小字雉奴太宗第九
子始封晉王太子承乾敗太宗陰許立魏
王恭長孫無忌固欲立晉王帝以太原石
文有治萬吉復從無忌帝猶謂無忌曰公
勸我立雉奴雉奴仁懦得無為宗社憂奈

何唐濮恭王傳

桃符

晉齊獻王攸字大猷小字桃符文帝第二
子親賢好施愛經籍能屬文善尺牘特為
文帝所寵愛每見攸輒撫牀呼其小字曰
此桃符座也晉本傳

智隨

宋武陵王贊字仲敷小字智隨明帝第九

子宋本傳

閻梨

齊江夏王鋒字宣穎小字閻梨高祖第十

二子工書為當時藩王所推南郡王昭業

六稍工書嘗謂武帝曰臣書固應勝江夏

王武帝荅曰閻梨第一法身第二

法身即昭業小

名齊本傳

白澤

齊文惠太子長懋字雲喬小字白澤武帝

長子齊本傳

維摩

梁昭明太子統字德施小字維摩武帝長

子美姿容善舉止讀書教行並下過目皆

憶梁本傳

四果

梁南康簡王績字世謹小字四果武帝第

四子梁本傳

六真

梁邵陵攜王綸字世調小字六真武帝第

六子少聰穎博學善屬文尤工尺牘

梁本

明進

隋衛昭王爽字師仁小字明進高祖異母

弟隋本傳

覲地代

隋房陵王勇小名覲地代文帝長子文帝

受禪立為皇太子以罪廢黜追封房陵王

北史
隋傳

益錢

隋庶人諒字德章小字益錢又幼字阿客

文帝子開皇初封漢王後以罪幽死北史
隋傳

阿孩

隋齊王暕字世拙小字阿孩煬帝子北史
本傳

季子

隋趙王杲小字季子煬帝子北史
隋本傳

毗沙門

唐隱太子建成小字毗沙門高祖子唐本
傳

三胡

唐巢刺王元吉小字三胡高祖子與建成

謀作亂伏誅 唐本傳

漢

犬子

司馬相如字長卿成都人少名犬子好讀書學擊劍慕藺相如之為人乃更名相如

前漢本傳

鼎

匡衡字稚圭一曰衡小名鼎家貧好學諸儒爲之語曰無說詩匡鼎來匡語詩解人

願衡少字鼎長乃易字稚圭 前漢本傳

童烏

楊雄子小字童烏九歲與雄論玄 陸龜蒙小名錄

魏

萬億

李通字文達江夏人小字萬億以俠聞於江汝之間勇冠諸將爲太祖所知卒謚剛

侯

別成

傳幹字彥林漢陽太守燮子小字位別成
抹風太守

世說叙錄

晉

阿童

王濬字士治小字阿童爲益州刺史時吳
中童謠曰阿童復阿童銜刀浮渡江不畏
岸上獸但畏水中龍羊祜聞之曰此必水
軍有功但當思應其名者耳乃表濬爲監
益州諸軍事加龍驤將軍竟平吳

晉羊祜傳

齊奴

石崇字季倫大司馬侍中苞子崇生於青

州故小字齊奴

晉本傳

阿龍

王導字弘茂鎮軍司馬裁子小字阿龍少
有風鑑識量清遠位丞相進封始興郡公

卒謚文獻

晉本傳

王丞相拜司空廷尉桓彝作兩髻葛裙策
杖路邊窺之嘆曰人言阿龍超阿龍故自

超不覺至臺門 世說

阿太

王悅字長豫丞相導子小字阿太位吳王友中書侍郎贈常侍始興貞世子 世說錄

阿螭

王恬字敬豫丞相導子小字阿螭位吳國會稽內史散騎常侍卒謚曰憲恬少好武不為公門所重導見悅輒喜見恬更有怒色恬多技藝善奕碁為中興第一 晉本傳

大奴

王劭字敬倫丞相導子小字大奴位建威將軍尚書僕射中領軍卒謚曰簡 世說錄

小奴

王蒼字敬文丞相導子小字小奴位鎮軍將軍散騎常侍贈衛將軍

王僧彌 世說謝車騎 玄共王小奴許集僧彌

舉酒勸謝云奉使君一觴謝曰可爾僧彌勃然作色曰汝故是吳興谿中釣碣耳何

敢請張謝徐撫掌而咲曰衛軍僧彌殊不
肅省乃侵陵上國也世說

阿黑

王敦字處仲治書御史基子丞相導從父
兄也小字阿黑位大將軍

王大將軍始欲下都處分樹置先遣參軍
告朝廷諷旨時賢祖車騎遜尚未鎮壽春
瞋目厲聲語使人曰卿語阿黑何敢不遜
催攝面去渡吏不爾我將三千兵槩腳令

上王聞之而止世說

阿戎

王戎字濬冲貞陵侯渾子位司徒以功封
安豐縣侯薨謚曰元

阮籍素與渾友戎年十五阮曰濬冲清賞
非卿倫也與卿言不如與阿戎談世說

阿菟

王羲之字逸少淮南太守曠子小字阿菟
位臨川太守右將軍會稽內史卒贈金紫

光祿大夫

世說新語

阿齡

王胡之字修齡驃騎將軍廩子小字阿齡

位司州刺史

世說

胡之治身清約以風操自居謝太傅安語

劉惔阿齡於此事故欲太厲劉曰亦名士

之高操者

世說

虎牝

王彭之字安壽右僕射彬子小字虎牝位

黃門郎襲爵

世說新語

虎犢

王彪之字叔虎彭之弟小字虎犢位光祿

大夫尚書令儀同三司卒謚曰簡

王右軍在南丞相導與書每嘆子姪不令

云虎牝虎犢還其所如彪之年二十而頭

鬚皓白時人謂之王白鬚少有局榦之稱

世說

荆產

王微字幼仁南鄉侯澄子小字荆產佳石
軍司馬劉悛云人想王荆產佳此想長松
下當有清風耳世說

法護 阿瓜

王珣字元琳中領軍洽子小字法護又小
字阿瓜位前將軍司徒東亭侯卒謚獻穆
謝太傅安領中書監王東亭有事應同上
省王後至坐促王謝雖不通太傅猶欽容
待之王神意閒暢謝公傾日還謂劉夫人

曰向見阿瓜故自未易有雖不相關正自
使人不能已已世說

僧彌

王珉字季琬珣弟小字僧彌有才藝擅書
名出兄右時人語曰僧彌難為兄法護難
為弟代獻之為中書令時謂小令卒贈太

常世說

阿奴

王濛字仲祖新淦令訥子小字阿奴位司

徒左長史

劉惔撫王長史背曰阿奴比丞相華但有

都長

都美也

劉惔王長史全坐長史酒酣起

舞劉惔曰阿奴今日不復減向子期

類向秀之

任率也世說

荀子

王脩字敬仁司徒左長史濛子小字荀子

明秀有美稱善隸行書起家著作郎轉中

軍司馬晉本傳

劉惔至王長史許清言荀子年十三倚牀

邊聽既去問父曰劉惔語何如尊長史曰

韶音令辭不如我往輒破的勝我世說

阿興

王蘊字叔仁脩弟小字阿興位左將軍左

僕射會稽內史卒追贈光祿大夫

世稱荀子秀出阿興清和世說

阿訥

王坦之字文度尚書令述子小字阿訥位

中書令北中郎將左衛將軍襲封藍田侯
卒謚曰憲世說叙錄

阿智

王處之字文將述子小字阿智州辟別駕

不就世說叙錄

僧恩

王禕之字文劭述子小字僧恩位中書侍

郎年未三十而卒世說叙錄

駒

王愉字茂和小字駒晉尚書僕射江左冠

族子緩亦有重名陸龜蒙小名錄

佛大

王忱字元達坦之子小字佛大位建威將

軍荊州刺史卒贈右將軍謚曰穆

王佛大嘆言三日不飲酒覺形神不復相

親為吏部郎嘗作選草臨當奏王僧彌來

聊出示之僧彌得便以己意改易所選者

近半佛大甚以為佳更寫即奏世說

睿

王恭字季伯左僕射蘓子小字睿位前將軍贈侍中太保謚曰忠簡世說叙錄

齊

王熙字叔和蘓子小字齊世說叙錄

睹

王爽字季明蘓子小字睹位黃門侍郎寧朔將軍世說叙錄

堅石

謝尚字仁祖咸亭侯鯤子小字堅石初為王導掾襲爵咸亭侯鎮西將軍卒謚曰簡

世說叙錄

虎子

謝據字玄通吏部尚書裒第二子小字虎

子號中郎世說叙錄

未婢

謝琰字瑗度太傅安子小字未婢位輔國將軍以功封望蔡縣公會稽內史為孫思

所寄贈付中司空謚忠肅

世說錄

封

謝韶字穆度散騎常侍萬子小字封位車

騎司馬

世說錄

胡兒

謝朗字長度安次兄據長子小字胡兒名

亞於玄仕至東陽太守

謝太傅安雪寒日內集與兒女講論文義

俄而雪驟公欣然曰白雪紛紛何所似兄

子胡兒曰撒鹽空中差可擬兄女曰未若

柳絮因風起公大笑樂即公大兄奕女名

道蘊石將軍王凝之妻也

世說

過

謝玄字幼度鎮西將軍奕子小字過晉都

督徐兗青司冀幽并七州軍事封康樂公

卒謚獻武

謝太傅安因子弟集聚問毛詩何句最佳

過稱曰昔我往矣揚柳依依今我來思雨

雪霏霏公曰訂謀定命遠猶展告謂此句
偏有雅人深致

世說

末

謝淵字叔度奕子小字末晉義興太守

世說

叔錄

益壽

謝混字叔源望蔡縣公瑛子小字益壽襲
爵歷中書令中領軍尚書左僕射以黨劉
毅誅國除及宋武受禪謝晦謂劉裕曰陛

下應天受命登壇日恨不得謝益壽捧璽
黻裕亦嘆曰吾甚恨之使後生不得見其

風流

晉本傳

買得

桓冲字幼子散騎常侍彛子晉護南蠻校
尉車騎將軍荊州刺史卒謚宣穆冲温弟
也初彛亡後冲兄弟並少家貧母患需羊
以解無由得之温乃以冲爲質羊主甚富
言不欲爲質幸爲羊買得郎及冲爲江州

出射羊主於射堂逸者冲識之謂曰我
得也遂厚報之晉本傳

石頭

桓熙字伯道南郡公温子小字石頭為冲

徒長沙世說叙錄

式

桓歆字叔道温子小字式臨賀公世說叙錄

靈寶

桓玄字敬道温孽子小字靈寶襲封南郡

公年三十六伏誅其母馬氏常與温同輦
夜坐月下見流星墜銅盆中如寸二火珠
競以瓢接取獨馬氏得而吞之有感遂娠
及生有光照室占者奇之故小名曰靈寶

晉本傳

桓宣武薨玄五歲服始除桓車騎冲與送
故文武別因指玄此皆汝家故吏佐玄應
聲慟哭酸感傍人車騎每自目已坐曰靈
寶成人當以此坐還之鞠愛過於所生世說

鎮惡

桓石虔司空豁子小字鎮惡冠軍將軍作
塘侯卒追贈右將軍

石虔年十七八未被舉而童隸已呼為鎮
惡即嘗往宣武齋頭從征枋頭車騎冲没
陣左右莫敢先救宣武謂曰汝叔落賊汝
知否石虔聞之氣甚奮命朱辟為副策馬
於數萬衆中莫有抗者徑取冲還三軍嘆
伏河朔後以其名斷瘡世說

豹奴

桓嗣字恭祖車騎將軍冲子小字豹奴領

江夏相追贈南中郎將謚曰靖

桓豹奴是王丹陽外甥

王丹陽混字奉正音丹陽尹

形

似其甥桓甚諱之宣武亡不恒相似時似
耳恒似是形時似是神恒逾不悅世說

崖

桓脩字承祖冲子小字崖龍驤將軍為劉

裕所誅

桓玄素輕桓崖崖在京下有好桃玄遠欲求之遂不得佳者玄與殷仲文書以為嗤咲曰德之休明肅慎貢其措矢如其不爾籬壁間物亦不可得也世說

子野一云野王

桓伊字叔夏譙國鉅人小字子野一云野王累選豫州刺史贈右將軍少有才藝善音律為王濛劉惔所知有蔡邕柯亭笛嘗自吹

王子猷出都尚在渚下舊聞桓子野善吹笛而不相識過桓於岍上過王在舡中客有識之者云是桓子野王便令人與相問云聞君善吹笛試為我一奏桓時已貴顯素聞王名即便回下車踞胡牀為三調弄畢便上車去客主不交一言世說

阿恭

庾會字會宗太尉亮子小字阿恭年十九為蘇峻所害

庾太尉風儀偉長不輕舉止時人皆以為假亮有大兒數歲雅重之質便自如此人知是天性溫太貞嘗隱慢怛之乃兒神色怡然乃徐跪曰君侯何以為此論者謂不減亮或云見阿恭知元規非假

世說

道恩

庾羲字羲叔亮子小字道恩晉吳國內史

世說叙錄

道季

庾龢亮子小字道季晉中領軍

世說叙錄

赤玉

庾統字長仁衛將軍惲子小字赤玉少有令名仕至建威將軍潯陽太守

簡文帝曰庾赤玉省率治除謝仁祖常云

庾赤玉胸中無宿物

世說

玉臺

庾亮字惠彥又字弘之司空冰第三子小字玉臺晉中書郎東陽太守

庾玉臺希之弟也希謀將反玉臺玉臺子
婦宣武弟桓豁女也徒跣求進閤禁不內
女厲聲曰是何小人我伯父門不聽我前
因突入號泣請曰庾玉臺常因人脚短三
寸當復能作賊不宣武咲曰壻故自急遂
原玉臺一門

世說

侃

庾倩字少彥水子小字侃晉太宰長史

世說

錄叙

園客

庾爰之字仲貞車騎將軍翼子小字園客
有父風仕至輔國將軍

庾翼爲荊州臨終自表其子園客自代朝
廷慮其不從命未知所遣乃共議用桓溫
劉惔曰使伊去必能尅定西楚恐不可復
制後果如惔言

世說

嘉賓

郗超字景興司空惜子小字嘉賓晉中書

侍郎司徒左長史起少有才氣越世負俗
不循常檢時人爲一代盛譽語曰盛德日
新郝嘉賓江東獨步王文叔

坦之字文叔世說

倉

郝融字景山愔子小字倉

世說叔錄

阿乞

郝恢字道胤東安伯曇子小字阿乞襲爵
征虜將軍秦州刺史贈鎮軍將軍

世說叔錄

羊

袁喬字彥叔光祿大夫瓌子小字羊龍驤
將軍湘西伯卒追贈益州刺史謚曰簡

袁羊嘗詣劉恢恢在內眠未起袁因作詩
調之曰角枕繁文茵錦衾爛長筵

唐風詩曰角枕

袁今錦衾爛珍子美七此誰與獨且袁故嘲之劉尚晉明帝女主

見詩不平曰袁羊古之遺狂

虎

衛玠字叔寶黃門郎恒子小字虎晉太子

洗馬

世說叔錄

袁宏字彥伯臨汝令勗子小字虎晉陽東
郡守時號袁開美故王子敬詩云袁生開
美度桓公入洛過淮泗踐北境與諸僚屬
登平乘樓眺矚中原慨然曰遂使神州陸
沉百年丘墟王夷甫諸人不得不任其責
袁虎率爾對曰運自有廢興豈必諸人之
過桓公慷慨作色顧謂四座曰諸君頗聞
劉景升不有大牛重千斤噉芻豆十倍於
常牛負重致遠曾不若一羸特魏武入荆

州烹以饗士卒于時莫不稱快意以况袁
四座皆駭袁之失色

世說

阿訥

許詢字玄度小字阿訥

世說叙錄

暎

先生名邁字叔玄許副第四子小名暎清
虛懷道遐棲物外故自改名遠遊與王右
軍父子周旋子猷乃修在三之教

貞皓

撥

長史名謚字思玄一名穆許嗣第五子少
知名儒雅清素博學有才章長史三男長

男名剛小名揆

貞誥

虎牙

許長史中男名聯字元暉小名虎牙謝安
為護軍引為功曹除永康令衛尉丞晉康
太守不之官又為輔國司馬

貞誥

玉斧

許長史小男名翹字道翔小字玉斧幼有

珪璋標挺長史器異之郡舉上計掾簿並
不赴清秀瑩潔糠粃塵務居雷平山下脩
業勤精常願早遊洞室不欲久停人世遂
詣北洞告終貞誥有云瓊丹者譬許掾小
名也

貞誥

嗣伯

許確字義玄副第七男小名嗣伯梗槩有
大度好學出為桓溫揚州從事謝安衛軍
參軍隨謝玄討苻堅有功封都鄉侯

貞誥

道助

吳坦之字處靖聖子小字道助濮陽人仕

至西中郎功曹

世說

附子

吳隱之字處默坦之弟小字附子兄弟居在丹陽郡俱有孝行後遭母喪童夫人艱朝夕哭臨及思至賓客弔省號踊哀絕路人為之落淚韓康伯時為丹陽尹母楊州刺史殷浩之妹在郡隣居每聞二吳之哭

輒為悽惻語康伯曰汝若為選官當好料理此人康伯亦甚相知韓後果為吏部尚書大吳不允制哀小吳遂大貴達

世說

阿源

殷浩字淵源光祿勳羨子小字阿源晉中軍將軍揚州刺史

桓公語嘉賓阿源有德有言向使作令僕足以儀刑百揆朝廷用違其才耳

世說

胡奴

陶範字道則太尉侃第十九子小字胡奴
諸子中最知名歷尚書祕書監

袁宏始作東征賦都不道陶公胡奴誘之
狹室中臨以白刃曰先公勲業如是君作
東征賦何相忽略宏窘蹙無計便荅我大
道公何以云無因誦曰精金百鍊在割能
斷公則治人職思清亂長沙之勲為史所

讚

世說

盧奴

江數字仲凱僕射彪子小字盧奴數歷內
外簡退著稱位瑯琊內史驃騎咨議參軍
王恭欲請江盧奴為長史晨往詣江江猶
在帳中王坐不敢即言良久乃得及江不
應直喚人取酒自飲一盃又不與王王且
咲且言那得獨飲江云卿之復須耶更使
酌與王王飲酒畢因得自解去未出戶江
曰人自量固為難

世說

阿奴

周謨字叔治浚子小字阿奴兄顛字伯仁
尚書左僕射次兄嵩字仲智

周伯仁母冬至舉酒賜三子曰吾本謂度
江託足無所爾家有相爾等並羅列吾前
復何憂周嵩起長跪泣曰不如阿母言伯
仁為人志大而才短名重而識闇好乘人
之弊此非自全之道嵩性狼抗亦不容於
世唯阿奴碌碌當在阿母目下耳

世說

僧奴

孫騰字北海餘杭令統子小字僧奴仕至

廷尉

世說敘錄

盤龍

劉毅字希樂彭城人小字盤龍仕晉至都
督淮南五郡諸軍事初桓玄在南州起齋
悉畫盤龍於其上號為盤龍齋毅小字盤
龍至是遂居之

晉本傳

麟

張湛字處度小字麟張麟酒後好挽歌甚

懷苦車騎桓冲曰卿非田橫門人何故

爾至歌

世說

期生

褚爽字弘茂祕書監散子小字期生晉義

興太守贈金紫光祿大夫

世說叙錄

武生

毛穆之字憲祖征虜將軍寶子小字武生

晉本傳

長生

李嵩字玄盛隴西成紀人小字長生晉涼

武昭王

晉本傳

獨活

張天錫字純嘏駿少子也小名獨活曾祖

軌永嘉中為涼州刺史值京師大亂遂據

涼土天錫篡位自立為涼州牧自軌為涼

州至天錫凡九世七十六年苻堅使姚萇

攻沒涼州天錫歸長安堅以為侍中後於

壽陽俱敗遂南歸拜散騎常侍西平公

世說

曹茂之字永世小字蝮少府卿曼子仕至

尚書郎

庾道季云廡頗相如雖千載上死人慄慄

常如有生氣曹蝮李志

志字溫祖任至員外常侍南康相

雖見在厭厭如九泉下人人皆如此便可

結繩而治但恐狐狸獬豸噉盡

言人皆如曹李贊晉

天下可結繩致治世說

元龍

盧循字子先司空從事中郎湛之曾孫小

字元龍晉征虜將軍廣州刺史平越中郎

將晉本傳

宋

阿荅

王蘊字彥深太中大夫楷子小字阿荅宋

湘州刺史給事黃門侍郎言陽侯伏誅

世說

錄叙

童烏

王絢字長素太傅或子小字童烏宋秘書丞卒謚曰恭世說叙錄

道兒

謝述字景光宣城內史兄子小字道兒宋吳興太守左將軍劉湛並與述為異常之交述美風姿善舉止湛每謂人曰我見謝道兒未嘗足宋本傳

客兒

謝靈運太傅玄孫祕書郎瑛子小字客兒

襲封康樂公永嘉太守臨川內史元嘉十

年伏誅

世說叙錄

阿連

謝惠連給事方明子小字阿連宋彭城王

義康法曹參軍世說叙錄

阿多

謝曜晉黃門郎思子小字阿多宋御史中

丞世說叙錄

佛佛

褚澹之字仲原音義興太守妻子小字佛
佛位尚書吏部廷尉卿左衛將軍謚曰質
宋武帝以舊功愛之會稽郡有關朝議欲
用蔡廓為之武帝曰彼自是蔡家住兎何
關人事可用佛佛乃用澹之為會稽太守
宋本傳

阿壽

劉敬宣字萬壽鎮北將軍宰之子小字阿
壽為青州都督諸葛長民貽書敬宣曰盤

龍狼戾專姿夷滅異端將盡世路方夷富
貴之事相與共之敬宣遣使進呈高祖謂
王誕曰阿壽故為不負我也宋本傳

愍孫

袁粲字景倩父早卒祖宸其孤幼名之曰
愍孫宋尚書令開府儀同三司司徒宋本傳

斑獸

劉湛字弘義小字斑獸太祖自豫州長史
詔為太子詹事兼給事時彭城王義康專

執朝權而湛首爲上佐遂以舊情委心
結晚節驅煽義康陵轉朝廷上謂所親曰
劉斑初自西還吾與語常日早晚慮其當
去此入心看日早晚慮其不法湛小字斑
獸故云斑也遷丹陽尹詹事如故後謀亂
伏誅

宋本傳

道民

劉穆之字道和小字道民宋尚書左僕射
前將軍追封南康郡王謚文宣宋本傳

干木

徐羨之字宗之小字干木時傳亮任守隆
重朝廷典儀皆取定於亮蔡廓微爲吏部
尚書目此地傳隆問亮選事亮以語錄尚
書徐羨之羨之曰黃門郎以下悉以委蔡
吾徒不復厝懷自此以上固宜共參同異
廓曰我不能爲徐干木署紙尾遂不拜干
木羨之小字也

宋本傳

仙童

徐湛之字孝源司空羨之從孫小字仙童
幼孤為武帝所愛范曄等謀反湛之始與
之同後發其事為曄等款辭所連有司以
湛之關豫疑黨請免官削爵付廷尉上不
許湛之詣闕上書請罪上優詔不許始曄
付廷尉入獄然後知為湛之所發後與謝
綜等隔壁遙問綜曰疑誰所告綜曰不知
曄乃稱湛之小名曰乃是徐童也

宋本傳

磚兒

范曄字蔚宗車騎將軍泰子小字磚兒母
如廁產之額為磚所傷故以磚為小字少
好學善為文章位左衛將軍太子詹事與
謝綜等謀反伏誅

宋本傳

梨 檀

張敷字景胤小字檀父劭字茂宗小字梨
宋文帝戲曰檀何如梨敷對曰梨是百果
之宗檀何敢及也

宋本傳

約

傅瓊字叔玉晉御史中丞咸孫小字約仕

至安成太守世說敘錄

女生

魯爽小字女生扶風郿人南歸仕至豫州

刺史加都督宋本傳

天念

魯秀爽弟小字天念仕魏太武與爽南歸文帝悅以爽為司州刺史秀為滎陽潁川二郡太守孝武即位以為司州刺史加都

督領汝南太守宋魯爽傳

長生

劉凝之字隱安小名長生宋朝隱逸不仕

宋隱逸傳

阿舒

阿宣

雍端通

宋徵字陶潛集載責子詩曰白髮被兩鬢肌膚不復實雖有五男兒揔不好紙筆阿

舒已二八懶惰故無匹阿宣行志學而不
愛文術雍端年十三不識六與七通子垂
九齡但覓棗與栗天運苟如此且進盃中
物

舒名儉宣名侯雍名份端名侯通名修皆

小名也

齊

彥孫

王粹字景深豫章侯僧綽子小字彥孫齊

黃門侍郎世說叙錄

史公

袁詠字偉才宋左僕射顓子小字史公齊

侍中卒謚曰靖世說叙錄

苟兒

張敬兒南陽冠軍人父醜為郡將始其母
於田中卧夢犬子有角舐之目感而有娠
而生敬兒故初名苟兒宋明帝嫌苟兒名
鄙改為敬兒位至開府儀同三司齊本傳

迦葉

蕭藻字靜藝小字迦葉善屬文猶好古律
高祖每稱其小字嘆曰子弟如迦葉吾復
何憂累遷開府儀同中書令侍中梁本傳

養

王恭字仲通冠軍將軍慈子小字養梁驍
騎將軍謚曰夷世說叙錄

炬

王筠字元禮太中大夫揖子小字炬梁太
子詹事世說叙錄

文殊

王訓字懷範國子祭酒暕子小字文殊梁
侍中卒謚溫子世說叙錄

阿士

劉孝綽字孝綽齊大司馬從事中郎繪子
小字阿士七歲能屬文甥齊中書郎王融
深賞異之親支號曰神童融每曰天下文

章若無我當歸阿士

梁本傳

阿堆

任昉字彥升樂安人齊中散大夫遜子小字阿堆幼而聰敏早稱神悟八歲能屬文從叔啓有知人之量見而稱其小名曰阿堆吾家千里駒也仕梁至太常

梁本傳

東里 西華

南容 北叟

任昉有四子東里西華南容北叟並無術

業墜其家聲兄弟流離不能自振生平舊交莫有收卹西華冬月着葛屐練裙道逢平原劉孝標泣然矜之謂曰我當為卿作計乃著廣絕交論以譏其舊交到既見其論抵几於地終身恨之東里位尚書外兵

即梁任昉傳

僧伽

劉之遴字思貞虬子小字僧伽八歲能屬文虬曰此兒必以文興吾宗時有沙門僧

惠有異謙母詣虬必呼之遠小字曰僧悅
福德兒握手而進之仕梁位都官尚書大
常卿梁本傳

陳

僧悅

徐陵字孝穆侍中摛子善屬文爲兒時小
字僧悅陵年數歲家人携以候沙門釋寶
誌誌摩其頂曰天上石麒麟也位至光祿
大夫太子少傅特進陳本傳

蠻奴

任忠字奉誠小字蠻奴詭譎多計略膂力
過人尤善騎射累以戰功進領南將軍陳
本傳

後趙

棘奴

冉閔字永曾小字棘奴石季龍養孫也父
瞻字弘武本姓冉名良魏郡內黃人也閔
幼而果銳季龍撫之如孫及長身長八尺

善謀策勇力絕人 晉載記

前秦

肩頭

符堅字永固一名文王雄之子也小字肩頭祖洪從石季龍徙鄴家于永貴里堅生昔有赤文隱起成字曰草付臣又土王咸陽臂垂過膝目有紫光洪竒而愛之名曰肩頭 晉載記

前燕

鳳凰

慕容冲小字鳳凰符堅之滅燕慕容冲姊偽清河公主年十四有殊色堅納之寵冠後庭冲年十二亦有龍陽之姿堅又幸之姊弟專寵宮人莫進長安歌之曰一雌復一雄雙飛入紫宮咸懼焉亂王猛切諫堅乃出冲長安又謔曰鳳凰鳳凰止阿房堅以鳳凰非梧桐不棲非竹實不食堅乃植桐竹數拾萬株於阿房以待之冲小字鳳

鳳至是終為聖賊入止阿房城焉

晉書

後燕

惡奴

慕容農小字惡奴垂第三子

晉書載記

禿頭

慕容雲字子雨寶之養子也父名拔姓高氏小字禿頭三子而雲季也初童謠曰一束藁兩頭然禿頭小兒來滅燕藁字上有草下有禾兩頭然則禾草俱盡而成高字

垂少子燕竟為雲所滅如童謠焉

晉書載記

後魏

烏頭

房法壽小字烏頭清河東武城人幼孤少好射獵仕至魏郡太守以功封壯武侯

本傳

白頭

盧景裕字仲孺太常丞靜子小字白頭少敏專經為學謙恭守道負素自得位中書

卽除國子博士 本傳

柰

畢衆敬小名柰少好弓馬仕至宋泰山太守後北歸皇興初拜散騎常侍兗州刺史

賜爵東平公 本傳

施兒

畢義雲衆敬子小字施兒少麤俠文宣受禪累遷御史中丞後為司徒左長史 本傳

貞奴

李訢字元盛小字貞奴范陽人父崇率十郡歸降太武甚禮之以為幽州刺史洎安

侯訢位至司空 本傳

秦玉

楊愔字遵彥小字秦玉神武時位至行臺

右丞 本傳

黃頭

游雅字伯度小字黃頭太武時為秘書監卒贈相州刺史謚曰宣侯 本傳

繼伯

李崇字繼長小字繼伯文成元后第二兄
誕之子襲爵陳留公鎮西大將軍

本傳

記祖

酈範字世則范陽人小字記祖少給事東
宮累遷尚書右丞平東將軍青州刺史假

范陽公卒謚曰穆

本傳

桃簡

崔浩字伯源白馬公宏長子小字桃簡少

好文學博覽經史玄象陰陽百家之書無
不關綜研精義理位至侍中特進領軍大
將軍左光祿大夫世祖朝被誅浩之姻親

盡夷其族

本傳

周兒

崔頤小名周兒位至冀州刺史始崔浩與
冀州刺史崔頤滎陽太守崔模年家相次
浩為長次模次頤三人別祖而模頤為親
浩恃其家世常侮模頤模謂人曰桃簡正

可欺我何合輕我家周兒和浩小名挑箭
願小名周兒世祖頗聞之故誅浩時二家
獲免本傳

陽烏

盧淵字伯源平東將軍度世子小字陽烏
敦尚學業位至秘書監贈安北將軍幽州

刺史謚曰懿本傳

洪崖

盧敏字仲通淵弟小字洪崖少有大量太
和初拜議郎早卒贈威遠將軍范陽太守

謚曰靖

師顏

盧昶字叔達淵弟小字師顏學涉經史早
有時譽位至太常卿進號鎮西將軍加散
騎常侍卒謚曰穆

羨夏

盧尚之字季儒昶弟小字羨夏亦以儒素
見重位光祿大夫卒贈散騎常侍安東將

軍青州刺史

皮

裴駿字神駒小名皮弘農太守雙碩子幼而聰慧親表稱焉神駒因以為字弱冠通涉經史崔浩深器之目爲三河領袖位中書侍郎

金

盧仲宣儀曹郎中觀弟小名金才學優洽兄弟俱以文章顯位至太尉

巨引

于謙字思敬小字巨引沉深有識量略窺經史尤好孫子兵書位至雍州牧薨贈加使持節太師雍恒等二十州諸軍事謚曰文

夜叉

元叉字伯雋江陽王繼長子小名夜叉靈太后臨朝以叉妹夫除通直散騎常侍後位至尚書令侍中

莫歸

長孫稚字承業小名莫歸年六歲襲爵降
為公高祖以其幼承家業賜名稚字承業
聰敏有才藝累以戰功遷太傅本傳

北齊

須拔

趙郡王琛字元寶齊神武皇帝之弟子獻
小名須拔幼孤聰慧夙成特為神武所愛
養於宮中襲爵南趙郡公天保二年出為

定州刺史六州大都督時年十七稱為良

牧

佛助

魏收字伯起鉅鹿人小字佛助少機警年
十五能屬文天保中詔撰魏史表而上之

桂

李裔字徽伯小字桂性溫直太和中為頡
丘相豪右畏之齊神武大丞相認議參軍
參定策功封固安伯為侯軍大將軍陝州

刺史周文帝攻剋州城見害

皮

封隆之字祖裔小名皮寬和有度量累遷河內太守齊神武贈太保謚宣懿

搔

封繪字仲藻隆之子小名搔釋褐祕書郎累遷平陽太守徵補大行臺吏部郎中文襄徵拜儀同三司右僕射卒謚簡子俱本傳

後周

沙門

王軌小字沙門漢司徒允之後世為州郡冠族高祖即位頗有戰功周文帝遇之甚厚以功進位上將軍郊國公

求貴

宇文貴字永貴貴母初孕夢老人抱一子授之曰賜爾是子俾壽且貴及生形類所夢故以求貴字之歷位大司徒遷太保

沙彌

王晞字叔朗小名沙彌幼而孝謹好學不倦魏神武補中外兵曹參軍齊天保初行太原郡事齊亡周武帝以晞為儀同大將軍開皇元年卒

俱本傳

蘭成

度信字子山父肩吾梁太子中庶子小字蘭成幼而俊邁聰敏絕倫有天竺僧呼信為蘭成因以為小字西魏留長安周孝閔

帝踐祚拜洛州刺史後作哀江南賦有曰王子洛濱之歲蘭成射策之年

陸龜蒙小名錄

隋

洪兒

李敏字樹生小字洪兒父崇為幽州總管突厥所圍死之高祖以其父死王事養於宮中及長襲爵肅宗公起家左千牛敏美姿儀善騎射從征高麗加光祿大夫或言敏一名洪兒煬帝疑洪字嘗識嘗面告之

冀其引決由是大懼敏敦與金才等屏人私語宇文述知而奏帝乃伏誅

釋奴

盧思道字子行祖陽烏

淵字

父道亮隱居

不仕思道小字釋奴聰爽俊辯才學兼著左僕射楊彥薦之於朝直中書省周武平齊授儀同三司開皇初徵為散騎侍郎

龍子

盧昌衡字子均魏尚書僕射道虔子小字

龍子風神澹雅容止可法博涉經史從弟思道小字釋奴宗中俱稱英妙故幽州為之語曰盧家千里釋奴龍子齊受禪太子舍人遷金部郎中周武平齊授司玉中士隋開皇初拜尚書祠部侍郎仁壽中授儀同三司大業初徵為太子詹事

俱本傳

唐

阿買

韓退之集載醉贈張秘書詩人皆勸我酒

我若耳不聞今日到君家呼酒持勸君為
此座上士及余各為文君詩多態度鶻鶻
春空雲東野動鷺俗天葩吐奇芬張籍學
古談軒昂避鷄郎阿買不識字頗知書八
分詩成使之寫亦足張吾軍云云或問黃
魯直阿買是退之何人魯直曰是退之姪
必有據也

阿宜

杜牧之集載冬至日寄小姪阿宜詩小姪

名阿宜未得三尺長頭圍筋骨聚兩臉明
且光去年學官人竹馬逸四麻指揮群兒
輩意氣何堅剛云云

添丁

盧仝生子名曰添丁欲為國持役也

龜兒

白樂天集載見小姪龜兒詠燈詩并臘爨
製衣因寄行簡已知臙子能裁服復報龜
兒解詠燈可婦才人常薄命莫教男女苦

多能 俱本傳

五代

通達

李昭嗣字益光武皇母弟代州刺史克柔之假子小字達通不知族姓所出少事克柔頗謹願雖形貌眇小而精悍有膽略位侍中中書令莊宗即位贈太師隴西郡王留得

李繼韜昭嗣子小字留得

陽五

周德威字鎮遠小字陽五朔州馬邑人德威身長面黑咲不改容凡對敵列陣凜凜然有肅殺之風同光初追贈太師配饗莊宗廟

鐵山

薛志勤蔚州奉誠人小字鐵山初為獻祖帳中親信武皇定雲中授右牙都校後以功為大同軍防禦使檢校司空乾寧初為

昭義軍節度使

雲即

王都本姓劉小字雲即中山陘邑人太原
王王虔直養為己子後奪據父位迁太尉
侍中周玄豹見之曰王都形似鯉魚難克
刀机明中即位加中書令以其奪據父位
深心惡之後以謀叛自焚

生鐵

張敬達字志通代州人小字生鐵少以騎

射著名明宗即位兼檢校太保應州節度
使清泰中自彭門移鎮平陽加檢校少傅
末帝詔以敬達為北面行營都招討使以
定州節度楊光遠副焉以軍敗為安審琦
楊光遠斬敬達首以降晉俱舊五代史唐

傳

阿檀

楊光遠字德明小字阿檀其先沙陀部人
也事莊宗為騎將明宗朝歷媯瀛莫易四

州刺史累加校檢少傅將兵戍蔚州晉高祖舉義兵於太原唐末帝遣光遠與張敬達屯兵於城下俄而契丹大至為其所敗光遠與次將安審琦殺敬達歸命高祖少帝嗣位冊拜太師封壽王謀叛逆拉殺之

五代史晉傳

鐵胡

安重榮小字鐵胡朔州人有力善騎射為振武巡邊指揮使晉高祖起太原使張顛

陰招重榮高祖即位拜成德軍節度使後以反逆斬首晉高祖漆其首送于契丹

五代

史本傳

本朝

樵夫

趙曦尚書右丞上交子小字樵夫官至著

作郎

三朝國史

虎兒

蘇轍字子由生子遠小字虎兒東坡集載

虎兒詩云舊聞老蚌生明珠未省老先生
於菟老兔自謂月中物不騎快馬騎蟾蜍
蟾蜍爬沙不冒行坐令青衫垂白鬚於菟
駭猛不類渠指揮黃熊駕黑龜砂丹紫麝
不用塗眼光百步走妖狐妖狐莫誇智有
餘不勞搖牙咀爾徒

東坡文集

米文仁字元暉禮部侍郎元章子小字虎
兒位至兵部侍郎敷文閣待制幼年山谷
贈詩云我有元暉古印章印刻不忍與諸

郎虎兒筆力能扛鼎教字元暉繼阿章

山谷

文集

梁羅

蘇遲小名梁迢小名羅並子由子東坡詩
戴端午游真如遲迢遠從子由在酒局云
一與子由別卻數七端午隨身絲絲繫心
與昌獨苦今年足馬來佳節日夜數兒童
喜我至典衣具雞黍水餅既懷鄉飯筒仍
慙楚謂言必一醉快作西川語寧知是官

身糟翅因薰煑獨秀三子出古剎訪禪祖

高談付梁羅

梁羅遠小名

詩律到阿虎

遠小歸名

來一調咲慰此長齟語

東坡文集

小字錄終

